

欽定剿平三省邪匪方略

欽定剿平三省邪匪方略正編卷二百二十七

辛酉年

正月初一日

戊寅

書麟倭什布奏言竊

臣

書麟親

赴軍營督同兜剿旋接長齡明亮來字業經抄

至賊前孫清元吉林泰帶領勁旅分路將徐添

德高二等股賊匪剿敗該匪星散奔逃在泉溪

黃柏溪火燒坪一帶百餘里深山之內分布十

數路每夜放火

臣

等揣量賊情焚東掠西以分

路放火爲牽綴意欲誘惑官兵墮伊術中其實
放火之處未必有大股賊首在內況邊境包絡
大山老林數百里若欲處處兼顧官兵愈分愈
單尤非善策因思賊匪掠食裹人自應擇人烟
稠密處所力爲堵剿內固藩籬其深山窮谷並
無居民糧食處所不妨驅逼賊匪竄入其中無
所得食無從裹人黨與日孤寇糧罄盡自然消

滅卽飭各卡勇把守要隘捍衛村莊臣等酌帶

竹山鄉勇親自進山逐節搜捕行至長嶺該處

民人見臣等進山人人安堵二十一日行至太

平岡將難民面爲安撫兵丁普加賞賜無不同

聲歡慶傳誦

皇仁臣等因山勢險峭僅有仄徑一線由山脚斜上

峯巔旁俱深澗下坡陡滑臣及隨員等均扶掖

步行正在臨路前進適得探報長齡明亮等在
瓦房口接仗殲斃賊匪數百名又據孫清元吉
林泰等報稱在太平關和合垭泉溪一帶兜截
與長齡明亮等兩路夾擊又斃賊四百餘名將
賊兜回不放竄出且截臣等因東川保豐
一帶係二竹糧運要路徐逆於諸賊中最爲狡
詐設被折回所關匪細卽連夜由東南兜向西

北以遏賊匪下竄之路是夜二更時分該匪在水坪等處放火距臣等紮營處所十餘里適長齡明亮派撥馬隊一百名廣東步兵五百名前來排列山梁以助聲勢並諭百姓等以現在大兵數萬陸續到來令其傳說以定衆心卽派吉林索倫馬隊各兵馳赴南岡高阜處所賊匪正在岡西對面半山屯聚望見馬隊卽狂奔駭竄

翻過山頭紛紛逃遁旋復據孫清元吉林泰等
報稱該鎮等行至泉溪之陳家河左近適遇賊
匪二千餘名攻撲該處民築寨洞一見官兵恃
險抗拒經該鎮率同奮勇千總桂永泰陳天壽
把總薛忠全張代鳳外委唐文林總管托爾托
保等帶領練勇鄭光明等由右進擊遊擊三福
等帶兵由左仰攻該匪亦分股下壓被官兵鎗

擊箭射斃賊數十名衆匪四散翻山逃竄遊擊
三福守備郭朝鳴珠爾杭阿追擊唐家坪馬賊
一股守備孫欽汪鑑亮遊擊毛秉剛楊安常德
追擊燕麥河步賊共斃賊四百餘名生擒六十
一名搶獲騾馬旗幟烏鎗大礮刀矛各件衆匪
帶傷奔逸逃出難民甚多獲犯王世貴等供稱
此股係青號元帥姓張要奔黃龍灘下均穀襄

陽一帶不料官兵截住殺敗各自散逃餘無要
供該犯係屬正賊業經臠割其餘陳禮等四十
三名訊係被裹概予釋放馬騾分賞兵勇鎗礮
刀矛存留備用兵勇損傷無多查明另報等情
臣等查青號賊匪業經剿敗分路逃竄現在一
面探明賊蹤分合趨向加緊追剿一面知會各
路兵勇兜截再查守備金洪翮前稟稱黃號賊

匪樊人傑由陝西化龍山竄至竹溪河一節竹
溪河係隸陝境與楚境之竹谿縣毫無干涉並
節據陝西藩司溫承惠陝安道朱勲同時稟報
黃號賊樊人傑在陝境黑山等處滋擾係經畧
統兵兜截並無竄入楚境之事長齡據獲犯張
尙力稱有樊人傑由化龍山蓮花山逃竄等供
恐化龍山之竹溪河卽係楚境是以敘供入秦

亦屬慎重之意並查青號徐添德股內有樊榮
華係黃號樊人傑一家業經長齡續行奏明在
案緣賊匪狡猾異常分合無定所有該守備金
洪嗣防守地方並無陝匪竄入奏入

初二日巳卯長齡奏言竊臣在太平關泉溪一帶

會同孫清元兩路夾擊手斃賊一千餘名獲賊六
十餘名隨偵探該匪分合趨向乘勝追剿查該

匪經痛剿之後青號徐逆臣仍奔西南高逆及黃
號直竄西北當令孫清元原帶兵勇向西南跟
追徐逆臣與明亮卽向西北緊躡高二及黃號

一股連日隨探隨剿沿途俘戮甚多該匪勢已

窮蹙晝夜狂奔

臣

於二十一日申刻趕至陝楚

交界之大花園地方該匪尙未料及官兵如此

迅速倚仗該處山險林多可以藏躲掠食

臣

等

不敢稍涉遲緩臣長齡帶領侍衛塔津保呢瑪

善叅將德興等督率兵勇攀藤附葛翻越大山

隨覓徑下壓臣明亮帶領侍衛恒崑富翰叅將

黃定選遊擊胥泗起等督率馬兵銜枚捷走從

溝內抄出兩路並進該匪一見官兵分投抗拒

拚命抵敵我兵奮勇當先鎗擊箭射刀砍矛戳

立斃賊匪四百餘名賊匪極形慌亂四散奔逃

臣等儘力追殺沿途擒賊一百十三名拋棄騾馬器械填塞道路散出難民甚多該匪不擇路徑卽由栗子鋪桃花坪翻越界嶺逃入陝省平利界內時已三鼓雖有月色究屬深林密箐我兵已馳追數日自宜暫爲休息卽於界嶺駐紮當將獲犯審訊據閭理元供我哥哥閻慎元楊子俊供我叔楊一桂俱是營內元帥我二人俱

當掌櫃管領打仗矛手衝打頭陣前日三號合夥商量分股滋擾率總官兵時合時分我等就在湖北過年十六日在太平關一帶與官兵打仗傷折許多好戰手連日晝夜奔逃至大花園等候青號合營不料官兵連夜趕來不及防備又被官兵殺傷許多人不能再等青號莫如且逃往陝西並訊朱義呂二虎等一百十一名俱

係頭目鎗手實係正賊當卽正法

臣

長齡早經

知會陝西藩司溫承惠就近堵截再查

臣

前奉

諭旨以防堵二竹爲重如果逼出楚境酌量分兵剿

辦又奉

諭旨如一時未能剿淨亦必將賊匪逼向西趨等因

現據書麟知會已同倭什布行抵竹谿

臣

當派

侍衛常祿委叅領皂祿帶領馬隊一百名叅將

馬德舒等帶領廣東兵五百餘名迎赴前途接
應以資沿途搜捕查孫清元現在剿辦青號一
股分帶兵勇四千餘名馬隊四百五十名此時
復又分撥書麟處廣東兵五百餘名馬隊一百
名足資堵剿況書麟久歷戎行威望素重楚省
邊隅自然籌防盡善

臣等節奉

諭旨專辦高逆此時必當跟追入陝以期會同陝西

領兵各員趁此窮蹙之時乘勝殲除臣卽帶前

此德楞泰派來之雲貴山東兵九百餘名河南
兩粵兵一千餘名馬隊五百餘名及隨營鄉勇
帶領前進所有各兵勇尙有應領餉項及

恩賞銀兩業已飛咨倭什布星速派員解送前來以
資分給兵勇此次打仗將領俱獲平善兵勇間
有損傷容俟查明咨部辦理奏入

上命軍機大臣傳諭書麟倭什布曰朕屢念軍務無
時稍釋茲新正元旦書麟等卽奏到捷音爲朕丹
毫批閱第一奏摺實爲安民平賊豫兆仰賴

天恩叩感不盡此股青黃藍三號賊匪在楚境竄擾經
長齡明亮孫清元在瓦房口一帶分兵夾擊大獲
勝仗書麟等復因東川保豐一帶爲糧運要路並
虞賊匪折回卽親往勦剿以扼賊匪下竄之路賊

匪望覓馬隊狂奔駭竄孫清元吉林泰等得以趁
勢剿殺殲賊多名書麟一至軍營卽連次獲有勝
仗事機極爲順利不但楚境卽可肅清卽川陝竄
匪必當遷就殄滅其所奏賊匪伎倆惟在掠食裹
人今於人煙稠密處所力爲堵剿以固藩籬所見
甚是實中肯綮民心固而賊必散堵得要方能用
剿勉此二語立見太平矣正在降旨間據長齡奏

到追剿高二及黃號賊匪在陝楚交界之大花園
地方分投進擊斃賊四百餘名生擒一百餘名賊
匪翻越界嶺逃入陝省平利境內長齡明亮跟蹤
入陝等語覽奏深爲嘉慰前因長齡等剿辦高逆
等匪彼時朕卽料賊匪有竄出楚境之勢曾降旨
令長齡明亮跟蹤緊剿書麟仍應督率孫清元在
楚境防守今高二等股匪果已竄赴陝境而長齡

明亮已卽跟踪緊剿所奏與朕前旨相合是此時
楚省境內祇有徐添德一股賊匪書麟如能督率
孫清元等將此股賊匪在楚省剿盡卽屬伊等之
功儻徐逆因被剿緊急又見高二等已竄陝甘其
勢甚孤亦思接踵竄陝恐書麟因長齡等業經追
賊赴陝亦欲帶兵緊躡賊蹤越境剿辦此則斷可
不必卽孫清元亦不必派令前往現在長齡明亮

已在陝境剿賊或卽知會伊等一併剿辦儻長齡等勢難兼顧書麟亦不妨酌量情形飭知馬玉魁溫承惠等合力剿辦斷不可因急欲殺賊立功自行前往書麟係協辦大學士湖廣總督非從前出師金川僅爲領隊可比且伊已年近七旬尤當持重朕所以將伊調任者原以從前該省辦理防堵事宜全係空言並未實心籌辦此時書麟惟當遵

照節降諭旨將團勇築堡安撫難民及善後等事
悉心經理如徐逆剿平或驅出境後惟當督率地
方文武嚴防邊隘毋令川陝竄匪再有一名闖入
楚境卽爲不負委任且閱書麟摺內所稱山勢險
峭僅有仄徑一線書麟扶掖步行踰路前進覽泰
深爲懸厝賊情詭詐深山窮谷之中難保無匪徒
藏匿伺間竊發書麟係督辦軍務之人惟在調度

得宜指示策應轉不必以帶兵殺賊見長冒險輕
誠現在我兵士氣歡騰昨於頒賞銀一萬兩外復
有旨加賞銀五千兩自必倍加感奮踴躍爭先趁
此事機順利兵心鼓舞之時如將徐逆一股在楚
境殲擒卽遵節降諭旨在该處戮割梟示以伸國
憲而快民情不必解京辦理其股內餘匪務須搜
除淨盡不留餘孽以絕根株

上又命軍機大臣傳諭長齡曰恭正元旦遽到書麟
等捷報茲又據長齡奏得有賊仗連日疊獲喜音
事機極爲順利長齡等前在太平關泉溪一帶會
同孫清元兩路夾擊痛殲賊匪業經降旨加恩今
長齡與明亮向西北緊躡高二及黃號一股復在
陝楚交界之大花園地方分路進擊斃賊四百餘
名生擒一百餘名連獲勝仗三辦甚好長齡因剿

收賊匪翻越界嶺逃入陝省平利境內卽跟蹤入
陝追剿適與前降諭旨相合尤爲可嘉之至此時
高二及黃號賊匪屢經官兵剿殺窮蹙奔逃自當
乘勢跟追以期殲除淨盡但長齡係湖北總兵仍
當兼顧楚境現在追剿賊匪若能卽在平利一帶
進行殄滅卽屬長齡等之功應遵前旨一面將該
逆等懲割梟示一面奏聞備高二及黃號賊匪

奔遠竄或深入川陝地方距楚甚遠長齡不可隨
賊所向儘力跟追不妨酌量情形剿辦近楚之賊
務期廓清逆匪迅奏捷音再回駐楚省邊界以資
防堵至陝省賊股內高三馬五二逆並無專人剿
辦諒尙在紫陽平利一帶奔竄此股賊匪本係長
齡曾經剿辦或卽於該處就近截擊將高三馬五
一股乘勢剿除尤爲佳事惟當倍加奮勉速行奏

續不必專以越境遠追爲事也

同日

上命軍機大臣傳諭額勒登保德楞泰書麟長麟勒保陸有仁倭什布曰剿辦教匪已閱五年之久迄
今尙未竣事在各路帶兵大員及督撫等身受

皇考及朕厚恩自應知感知奮上緊剿辦卽以恒情而
論亦必思早日蕆績叨荷恩榮斷無樂於帶兵日

久在外之理惟辦賊之法不外剿撫堵三者節經
降旨申諭至再至三可謂深切著明乃賊匪東竄
西逐四出奔竄帶兵大員未始不限蹤剿殺而各
該督撫於防堵事宜未能認真辦理以致賊匪復
分竄稽誅現在賊匪既難於用撫勢不得不專意
用剿惟是此等賊匪不過內地亂民始而惑於邪
說地方官未能辦理妥協激之生變繼復迫於兵

威地方官又未能安撫得宜驅而從賊閱各路軍
營節次所奏情形賊匪有裝扮難民及冒戴翎頂
者此不過愚民無知妄希榮耀及苟延殘喘偷生
掠食並無豫謀巢穴屯積糧草以爲要結人心佔
守城池之計其伎倆已可槩見爲今之計自應將
三省邊界要隘處所嚴密防守俾帶兵大員得以
儘力追剿如能將賊匪逼入川境三路大兵得以

合擊固爲上策否則亦須將各股賊匪驅至漢江
南岸仍在三省交界地方逼歸一處大兵漸圍漸
緊賊匪無從竄逸庶可以次殲除但計各股賊匪
人數尙多若必聚而殲戮實有不忍因思被脅從
賊之人如能悔罪投誠固當妥爲安置卽賊匪中
著名首逆情罪本屬重大但被剿情急如肯束手
請降亦不妨俯允所請許貸其一死以示法外之

仁各帶兵大員及督撫等務當明白宣示詳爲曉諭逆首等聞有生途自必各思投出於剿捕較易集事免致數省生靈久遭荼毒亦所以廣朕並育並生之意也再額勒登保自上年十二月二十日長麟陸有仁自上年十二月二十一日奏到之後迄今俱未見續有奏報伊三人並未具摺奏賀元旦殊爲不解卽尙未殲擒首逆大獲勝仗亦應將

剿辦大槩情形隔數日馳奏一次此時陝省漢江
南北奔竄股匪正在剿辦喫緊之際又昨據勒保
奏稱伍金柱一股餘匪有闖入甘省之信更深厯
念朕盼望捷音宵旰莫釋伊等何不仰體朕意乃
爾耶著額勒登保長麟陸有仁將因何奏報遲滯
及現在如何設法堵剿之處迅速馳奏勿再延緩

初四日辛巳額勒登保奏言臣昨於武關等處將

賊截回西南卽於十四日飭令綸布春汪啟
帶兵跟追冉學勝股匪前進十五日楊遇春格
布舍穆克登布趕來會合面爲籌商並傳集各
帶兵之滿漢將領諄切勉勵正在分路趕進拏
獲冉學勝股內細作楊可玉嚴加訊問據供冉
學勝雖已折向西南其意仍欲東向昨樊人傑
處有人到營告知他們幾股畏懼官兵業已西

折冉學勝說官兵現俱緊追我一股樊掌櫃等
人數又多正好衝出河南我等仍卽覓路繞出
東面當令來人假作難民前去今早冉學勝又
告知各頭目各自帶人分路在老山行走不許
合在一處行走幾日以放火爲號再行聚集有
路可以回至商雒尙須轉回差我前來探聽消
息等語該匪之詭詐一至於此實屬萬分可恨

臣卽將楊可玉鸞割又探得樊人傑冉添士王
士虎等自由鎮安西竄之後蹤跡亦尙未遠儻
不分路攔截必至墮賊奸計仍至東逸十六日

臣又飛札綸布春汪啟帶兵由三官廟一帶緊

躡冉逆極力趕剿令楊遇春格布舍由木瓜園
木旺坪昌平五郎關一帶進發囑其緊備樊人
傑等東向并於本隊內酌量分兵於山僻小徑

設法截剿總以先杜其東北爲要

臣

亦卽率同

札克塔爾穆克登布由梅花鋪進發緊顧東面
向西南抄截而前冉學勝股匪果分爲數股每
股或一二百人或三四百人前後左右零星奔
逃一見官兵輒卽穿越林箐潛匿兵力難以施
展

臣

傳知將領等亦將官兵鄉勇分爲多路凡

遇可以東折路徑均令預行抄扼得剿卽剿二

十日臣行抵大仁河據綸布春報稱沿途斬獲

賊匪一百數十人冉學勝遂不敢東折亡命西

向鎮安之茅坪燕子嶺黑水河松樹壩漢陰之

池河銀杏壩奔竄綸布春汪啟現在緊跟追剿

至冉學勝前又分出一小股二三百人向黑山

口舊縣關一帶竄逸臣派令侍衛捫欽保特依

順保遊擊劉健標等酌帶馬步兵勇六百餘名

追茲據報稱連日於東西牛槽萬登寺等處
追及賊匪該匪於樹林溝坎中四散躲藏兵勇
分投搜緝該匪復奔上山梁劉健標等又率衆
攻搶上山殺斃賊匪八十餘名滾崖跌斃數十
人餘俱乘夜向七里溝火地潰竄有奔五郎南
山之勢等情至樊人傑王士虎冉添士大股賊
匪知東面大兵分路兜截亦不敢東向於十五

六等日由水田坪竄至石泉之五里鋪乘夜擾
及近城之西關北關燒燬民房擄掠食物石泉
令李樞煥等率勇上城守禦鎗礮轟擊總兵劉
之仁聞信由柳溪星夜帶兵前來於次日早間
趕抵東關賊匪見有兵來遂由西北疾竄官兵
追出二十餘里該匪向饒峯竄往洋縣之良池
河馬家溝一帶計算楊遇春等當已過五郎距

賊不遠

臣

卽飭楊遇春格布舍帶兵速由茅坪

兩河一路向西緊剿因距

臣

較遠尙未據報到

情形

臣

連日由青銅關夏家店黑牛溝陳家臺

銅錢窖一帶緊顧東面而前刻已馳抵漢陰之

柳林子現在冉學勝樊人傑王士虎冉添士等

股賊匪經

臣

督率各路官兵盡力追逐離陝之

東面已及千里卽伍懷志敗殘賊匪亦在五郎

迤西之黃瓜峪看來均不致東趨又據額勒亨
額報稱帶領馬步官兵在紫陽界內堵截十二
三四等日賊匪或二三百或四五百分股突出
攻撲汝洞二河沿江營卡連日晝夜嚴防鎗斃
賊數十人該匪等見備禦甚嚴不能竄越由大
道河向南逃遁第臣南抵漢陰境內接據興安
府知府周光裕稟報江之南岸有一股賊匪於

十八日三更竄至安康之五塊石該處江岸原
祇安鄉勇一百名探聞賊有窺伺江岸之信旋
卽撥派鄉勇二百名以資堵禦詎意賊衆勇少
不能抵敵鄉勇被傷十數人旋即潰散該匪隨
跣淺過江聞係高姓賊股有二三千人等語該
匪等現竄九條溝堰坪一帶在漢陰西南一百
餘里臣卽當探明一律剿辦伏思賊情變幻難

以豫定

臣

此時惟有督率官兵嚴催各路激勵

將士先將此一帶之賊以次上緊肅清再辦他

處再據慶溥喜明溫承惠柯藩等報稱日前先

將馬五分股賊匪從陝楚邊界截回該匪竄至

涓河卽與龍紹周苟文明股匪及唐大信餘孽

合夥該匪又因涓河糧食無多不能存住與龍

逆等分股從安康平利竄往湖北十四五等日

慶溥柯藩由熊家堽蘭河口磚坪進剿適遇賊
匪竄聚山梁兵勇分路搶上斬獲百餘人又喜
明溫承惠率領兵勇於十四日抵東香河遇賊
殺斃五十餘人賊匪連夜散竄花壩寡婦溝一
帶該處路徑甚屬紛歧次日喜明溫承惠與副
將國興阿各帶兵勇分路而進國興阿帶兵行
抵花壩賊匪前來抵拒當經馬步官兵鎗箭齊

發斃賊五六十人喜明溫承惠帶領馬隊鄉勇
趕抵寡婦溝適賊匪從山梁奔下將出溝口兵
勇奮力迎擊斃賊數十人該匪一股竄向王子
坪一股竄至小鎮其勢仍欲東竄慶溥柯藩同
馬玉魁在磚坪暫劄喜明溫承惠在左林溝暫
劄遇其要路十七十八兩日夜間賊匪竟敢攻
撲營卡均經兵勇擊退節次打仗有候補把總

劉國政殺賊陣亡其餘弁兵間有傷亡查明再
報等情_臣又嚴飭各該員等上緊截剿以遏賊
蹤

同日長麟慶成奏言竊_臣長麟接據寧羌州稟

報有賊匪五股由廣元竄至寧羌境內據逃出
難民報稱一股係張世澄叔姪兩營一股係辛
聰一股係楊開第餘黨新立元帥王姓一股係

魏棒棒李裁縫一股係冉文儔餘黨賊首冉添
元五股賊匪約有數千人商議一處併力攻撲
陝西卡隘計圖竄入南山各等語

臣

長麟當卽

飛飭各卡隘晝夜隄防嚴加堵禦並另派遊擊
馬忠都司米章張聯魁等帶領兵勇前赴梅子
壩白巖河巫山垭各卡隘相機策應去後旋據
各卡隘稟稱張世澐一股賊匪竄至寧羌邊界

之大桃樹經革職副都統候補佐領和興額忝
將張應魁羅全亮等帶領兵勇堵截該匪聞風
卽於十六日折向青草灘黃丹梁一帶二十日
復至陳家垵攻撲卡隘坐卡把總白玉喜鼓勵
鄉勇出卡迎剿鎗斃騎騾賊目一人執旗賊目
一人並殺死餘賊五十餘人生擒二十六名擒
獲大旗一杆馬二匹餘匪卽向大壩奔往南江

縣境訊據活賊供稱打死騎騾之賊係總兵魏元伏掌旗大頭目係魏大富等語又辛聰一股賊匪於十六日竄近兩河口有防守巫山堽之遊擊常祿帶領兵勇追剿賊匪卽折向映水壩逃逸兵勇追襲賊尾殲斃一人生擒黃勇林羅宗正等二名餘賊復奔向油札坪大沙河雪山坪一帶適楊奎猷探知卽與遊擊李殿魁守備

王殿甲帶領兵勇分三路抄截賊匪聞風折向
燕子崖狂奔兵勇追至燕子崖賊匪已經遠遁
僅能趕上賊尾斃賊四人生擒三名內有大旗
頭目劉鳳仙一名又楊開第餘黨賊首王姓並
賊首冉添元等兩股會合一處於十九日由廟
壩竄來攻撲陳家壩卡隘把總白玉喜率領鄉
勇出卡截擊鎗斃賊匪三十餘人生擒二十二

名賊匪由五里境翻山逃竄是夜二更時復竄至巫山垭卡隘分三路攻撲營盤遊擊常祿督兵轟擊自二更起直至四更鎗礮弓矢齊施賊匪並不少退兵勇人人憤恨鎗礮愈緊先後擊斃六十餘人賊匪始懼而敗走常祿出卡緊追又殺賊四十餘名並於溝內搜獲活賊十一名據供昨夜鎗礮緊急賊匪受傷甚多俱已擡回

等語又魏棒棒李裁縫一股賊匪由桃園寺竄至鐵爐壩焚掠並殺害探事兵勇七人勢頗猖獗經派往策應巫山垵之都司米章張聯魁等探知賊信帶領鄉勇一千名出卡迎擊途間擒獲賊探三名訊知賊匪在瓦店子屯紮米章等乘賊不備催勇疾趨直撲賊屯刀砍矛戳立斃賊匪一百餘人賊衆登時慌亂紛紛爬山四竄

米章張聯魁督率鄉勇緊跟追殺至巖方坪山
梁山上冰雪盈尺賊匪恃險佔據擲石如雨米
章張聯魁喊令各鄉勇務須齊心努力一面傳
令一面冒石首先搶上山梁五品軍功張鐸馬
金魁聞令卽在前招呼鄉勇迅速搶上五品軍
功寇大靖六品軍功馬士貴在後督催一擁齊
上鎗礮並施賊匪站立不住卽下山奔逸鄉勇

乘勢追壓又殺斃賊匪一百餘人生擒二十餘人搶獲大旗二杆騾馬二十三匹餘賊遁入老林向大壩逃竄亦入南江邊境據擒獲活賊供稱此股元帥係魏棒棒又有李裁縫本係另股因他手下人逃散甚多止帶百十人新近纔來合夥方纔官兵撲營見他單身逃往溝裏等語米章等卽派令千總沙生桂帶領鄉勇數十人

入溝搜捕見路旁空屋門扇掩閉時居民均已
登寨沙生桂料係該逆在屋內潛藏撬門入室
卽將該逆擒獲令賊衆指認僉稱實係李裁縫
縛送到營訊據李裁縫卽李得陽供係四川廣
安州人嘉慶三年九月間被楊開甲辛聰賊夥
裹去在營內做針工後來見我明白能幹就派
我當先鋒四年正月內舉我爲元帥在陝西甘

肅地方打仗十數次楊開甲被殺後楊開第爲
元帥我們彼時原有五千餘人今年八月間在
鳳縣二郎壩被官兵衝散楊開第先走我與辛
聰只剩九百餘人隨逃往四川廣元一帶後因
辛聰與我不和且營內人數漸少我就帶自己
手下人出來另投大夥適遇魏棒棒賊股暫時
合營同走本想渡過漢江到南山過年不料被

官兵打散被擒等語當將該匪凌遲處死其餘
生擒各犯並連日各卡隘盤獲賊匪及逃出難
民陸續解營共男婦二百一十九名口內訊出
真賊劉鳳仙等五十三名卽行正法其餘男婦
一百六十六名口係寧羌褒城南鄭廣元等州
縣附近居民被裹未久俱有家業可歸當卽就
近解交該州縣查傳親屬領回安業此次各卡

監殺賊先後共計三百餘名生擒及盤獲二百
餘名兵勇間有傷亡矣俟查明另行報部又叵
瑞一路連日探聞邊界零星賊股竄至石鼓小
溪菩提河一帶滋擾恒瑞因卧病不能帶兵卽
派令協領祿成副將李天林遊擊李朝顯安慶
等帶領馬步兵由山羅家壩馳赴細辛壩等處
截剿沿途拏獲賊探十餘人賊匪聞風俱已折

回未能北竄至臣慶成因西鄉邊界賊匪均已

逼回川境距江岸較遠仍回板橋垭防堵忽接

洋縣稟報樊逆賊匪由子午鎮竄至該縣田家

嶺一帶焚掠臣慶成竊計樊逆賊匪沿江奔走

必思仍過漢江南竄臣慶成不敢以現在防堵

南面遂置江北於不顧當卽一面札致恒瑞在

鍾家溝嚴防邊界一面將江北防兵密爲撤過

南岸並自行抽帶兵勇馳赴界牌適中之地掩
旗息鼓潛行埋伏以待該匪半渡截擊詎該匪
狡猾兩次竄至江干均卽折回似有知覺未敢
偷渡已由鐵冶河西奔臣慶成旋據西路探報
有兩股賊匪自大小壩等處竄至天池寺馬家
壩一帶當卽連夜趕回西鄉長嶺崗以備截擊
嗣據各卡隘報稱業將該匪等先後堵截折向

清水河東竄未致竄入陝境又

臣

等接額勒亨

額來信初七日有賊一股竄至紫陽縣城對面

漢江南岸山梁經該縣文武督率兵勇隔岸架

礮轟擊該匪翻山逃竄於初八日夜直奔油房

灣洞汝河等處江岸搶渡額勒亨額督兵施放

鎗礮奮力堵截該匪退上山梁連日忽出忽沒

時來窺伺仍未遠竄又據藩司溫承惠稟報屯

聚泊河之龍紹周苟文明等大股賊匪又分出
兩股在溢河壩香河等處滋擾副都統慶溥總
兵馬玉魁革職總兵柯藩帶兵赴溢河進剿總
兵喜明藩司溫承惠帶領兵勇赴香河進剿慶
溥等一路在熊家埡地方遇賊接仗殲斃賊匪
三十餘人賊向磚坪敗走官兵追至磚坪又殺
賊八十餘人生擒九名奪獲旗幟刀矛騾馬甚

多喜明等一路在香河腦遇賊殺斃賊匪五十
餘人賊匪連夜逃竄花壩兵勇分兩路緊追又
於花壩及寡婦溝等處殺賊一百數十人逃出
難民三十餘人兵勇亦有傷亡等語現在德楞
泰遵

旨帶兵來陝剿辦已由西鄉取道前進趕赴東路更
可督同分路兵勇悉力剿殺痛加殲洗至漢江

北岸之冉學勝一股賊匪初六日在商州橋兒溝地方經畧額勒登保督率楊遇春穆克登布等率領兵勇迎頭截殺晝夜連接兩仗殲斃賊匪三百餘人生擒二百餘名奪獲器械三百餘件騾馬二百餘頭匹該匪由瓦房灘一路敗竄初七日至商南大吉河地方又遇綸布春汪啟帶兵追及分兵由山梁溝底一擁並進賊匪不

敢抵敵紛紛亂竄兵勇追殺四十餘里殲斃賊
匪及滾巖落水者約五百餘人生擒二百餘名
餘匪分股向布政溝梁家墳等處狂奔初九日
綸布春汪啟等追至趙川又連接三仗共斃賊
七八百人生擒二百餘名搶獲騾馬無數十一
日晚又於柳山坡追及分股賊匪四五百人痛
加殲戮斃賊三百餘人生擒二十餘名餘匪由

山陽縣屬之峒峪河西竄並聞冉學勝止分帶
二三百人由山陽之乾溝逃遁其前股賊匪已
由鎮安米糧川西奔均距楚豫邊界已遠其伍
懷志餘匪尙在寧陝屬之黃官峪一帶老林藏
匿又樊人傑一股餘匪自鎮安紙橋溝西竄於
十四日三鼓直至石泉城下圍繞攻撲該縣督
率鄉勇放鎗擲石盡力轟擊賊匪少退仍在距

城不遠之西嶺屯紮適防守江岸之總兵劉之仁聞信帶兵於五鼓趕到賊匪見有官兵前來卽由高田舖向西奔逸劉之仁帶兵追躡二十餘里賊已竄過饒峯劉之仁因江岸緊要仍卽回汛防守該匪翻過饒峯嶺沿江西奔復於十八日竄至洋縣距城三十里之觀音堂田家嶺一帶探馬直趨城下適遊擊綽克圖候補通判

雒昂聞信帶領兵勇趕至城外殺斃賊探二十人奪獲馬二匹時天色已晚該遊擊等商議乘夜進兵攻其不備是夜四鼓綽克圖雒昂分帶兵勇直撲賊營鎗礮齊施擊斃賊匪三十餘人殺死頭目三人搶獲光紅花紅亮藍頂帽各一頂驟馬三十餘頭匹大旗二十九桿賊匪莫測官兵多寡驚慌潰散官兵正在分投追殺天已

黎明賊見官兵無多復吶喊哨聚擲石抗拒兵
勇冒石攻撲雒昂身受石傷一處鄉勇陣亡五
十餘名帶傷者八十三名綽克圖鼓勵官兵施
放連環且戰且撤兵勇俱抵洋縣城下暫紮賊
匪退入山溝分股由鐵冶河濫壩子一帶西奔
二十二日翻五道梁大山由褒城所屬之馬道
地方竄出棧道奔入武關西溝其後股一走五

道梁一走梃桿石亦俱跟蹤西竄查武關西溝西南可由沔縣畧陽入川正西可通虜關徽縣階州入甘賊匪趨向未定現在楊遇春綸布春汪啟等均已向西追剿前來容俟探明賊蹤趨向或係竄川抑係竄甘另行相機籌辦

同日陸有仁奏言竊臣連日據寧羌州稟報川

陝邊界魏棒棒辛聰張世濫李裁縫等股賊匪

經叅贊德楞泰痛加剿殺後俱向寧羌東南一帶奔竄節次攻撲九角山鐵爐壩陳家壩等處卡隘經督臣長麟率同總兵楊奎猷副將蕭福祿佐領和興額等帶兵隨時截擊連得勝仗共計殲獲賊匪五百餘名生擒首逆李裁縫賊匪殘敗折竄又經義首白玉喜奮力邀截鎗斃多人生擒十三名並將偽總兵魏元伏領旗魏大

富俱經擊斃又義勇滿坤元滿有元等乘勢截

殺殲賊多名滿有元等陣亡七名

臣

常卽優加

賞卹以示激勸賊隨分股折竄通江時分時合

相距邊界尙近又紫陽縣稟報前次西鄉被回

賊匪竄至該縣權河洞汝河一帶窺伺江岸經

副都統額勒亨額擊退現向東南山內潛遁又

據山陽縣稟報冉逆一股經提督楊遇春等帶

兵兇截折回該縣白玉河正遇綸布春汪啟兵
到殺賊七八十名賊匪竄至潘家溝趙川一帶
復經綸布春汪啟連次截殺共斃賊一千餘名
生擒二百餘名隨由商州之銅廠子西牛槽等
處奔竄又據商州稟報賊匪因州境鄉勇堵禦
嚴密已西竄商藍交界之大陽坡經畧大營暫
留山陽之桃園子先派綸布春等向西追剿至

樊逆賊既經官兵截剿復分爲兩股向西奔竄
一股竄至孝義廳屬太白廟紅山洞一股前次
攻撲鎮安縣城擊退後卽竄至西南石泉縣境
又據石泉縣稟報賊匪由該縣水田坪竄至城
西五里舖乘夜繞出北關直至城下經城上鎗
石擊打未敢攻撲適防江總兵劉之仁挑帶官
兵四百名連夜趕到賊卽向西大路狂奔至西

鄉子午鎮洋縣槐樹關觀音堂一帶滋擾維時
遊擊綽克圖通判雒昂兵勇奉經畧派剿伍懷
志零匪正至該處

臣

卽札令就近截剿綽克圖

雒昂隨於半夜乘賊睡熟督率兵勇暗擊賊營
殲賊二三百名擒獲騾馬甚多因四面賊匪驚
覺蜂擁圍繞其勢甚衆兵勇且戰且退間有傷
亡賊卽由城固栗子坪小河口五道梁等處分

股奔竄並有一股已闌入褒城屬之馬道青橋
一帶棧道大路適來贊德楞泰奉

旨帶兵入陝行至南鄭地方距賊甚近

臣

同長麟與

之會晤當卽面商因棧道係文報餉鞘軍火往
來要路現在並無兵備誠恐被賊梗阻德楞泰
卽帶兵漏夜前赴青橋一帶截剿詎該匪已先
期由留壩武關向西溝一帶奔竄該處西通甘

省秦階南通畧陽沔縣德楞泰因江北之賊已
竄西南經畧額勒登保緊跟追剿自可以次翦
除而南岸安康一帶賊匪急須殲洗未便稍有
停待隨即取道西鄉一帶前赴興安臣察看德
楞泰所帶官兵步伐整齊十分勇銳定能到處
克敵並據安康縣稟報高三馬五龍紹周等股
賊匪在安康涇河山內豎立木城爲屯聚拒守

之計總兵喜明馬玉魁藩司溫承惠已帶兵由
平利前至沿河相機進剿德楞泰勁兵一到兩
面夾擊當可一鼓掃除至運川各起兵餉經

臣

派委員弁帶領鄉勇於棧道一帶逐起護解俱

已趕過寧羌並無阻滯現在陝省兵勇益增各

路糧餉更關緊要

臣

趕緊分投督運俱經源源

接濟不致稍有缺誤清查叛產一事

臣

復嚴飭

委員妥爲勘辦現已漸有頭緒並無絲毫擾累
此時各路軍營若有投出難民即可隨地安插
其團勇結寨並設卡防守事宜除前已派員查
辦外現又責成該管道府分投督飭認真辦理
並派臬司文需總司查核令延榆綏道楊護候
補道李嗣分投覆勘

臣

仍隨時親赴抽查均奏

入

上命軍機大臣傳諭額勒登保長麟陸有仁慶成曰
新正元旦遞到書麟倭什布奏報在太平岡長嶺
一帶搜捕竄匪並各路兜剿屢獲勝仗初二日長
齡報至緊躡高二及黃號一股賊匪在大花園地
方斃賊四百餘名生擒一百餘名喜音疊至深慰
朕懷惟經畧等一路軍營旬餘未見奏報正殷盼
望本日恭值

祈穀禮成天氣晴和回宮後適得額勒登保長麟等喜
報連日奏捷頻聞事機順利實爲新年平賊安民
佳兆叩感

天恩不盡據額勒登保摺內所奏情形冉學勝等股賊
匪經各路官兵奮力追逐離陝之東面已及千里
此係極好機會現在額勒登保堅持定見將各股
賊匪逼向西南截其分竄豫楚之路所辦已得要

領至摺內稱綸布春汪啟現在緊蹕冉學勝等股
一節現據長麟陸有仁奏報汪啟等在布政溝趙
川等處殲賊千餘人生擒四百餘人大獲勝仗想
額勒登保因西往漢陰相離較遠是以尙未得信
其踴淺過江之高姓一股自卽係高三離漢陰西
南祇有一百餘里額勒登保正可迎頭剿辦務當
趁賊匪殘敗之時先將江北一路趕緊肅清紓盼

捷音之踵至又據長麟慶成奏截剿辛聰張世滌
等匪未令竄入陝境並生擒李裁縫殲斃偽總兵
魏元伙一摺所辦俱好辛聰等會合一處攻撲陝
西卡隘實爲可恨經長麟分飭將領悉力堵禦賊
始敗退都司米章張聯魁喊令各鄉勇齊心努力
前進一面冒石首先搶上實爲奮勇可嘉米章張
聯魁二人如未得花翎卽賞戴花翎並著以應陞

之缺陞用五品軍功張鐸馬金魁聞令卽在前招
呼鄉勇迅速搶上五品軍功寇大靖六品軍功馬
士貴在後督催一擁齊上復乘勢下壓斃賊多名
俱屬可嘉張鐸馬金魁寇大靖俱著賞戴花翎馬
士貴著賞戴藍翎並著長麟等詢問伊等如情願
出仕五品者卽補守備實缺六品者卽補千總實
缺又擒獲首逆李裁縫之千總沙生桂亦著賞戴

藍翎以應陞之缺陞用此次陝西鄉勇認真禦賊
深可嘉獎除兵丁等前已賞給銀一萬兩外著發
去一兩重銀牌五百面五錢重銀牌五百面交長
麟慶成傳旨賞給各營出力鄉勇以示鼓勵至慶
成係專派督率防江之員乃於高姓一股在安康
五塊石地方踞淺過江並無防範且於本日摺內
亦不提及惟將伊在漢江南岸掩旗息鼓潛行埋

伏以待樊逆半渡截擊飾詞鋪敘而於竄過北岸之賊佯爲不知亦並不派人追剿竟置之不顧況知府周光裕旣經稟知經畧具奏屢成豈有不知之理雖此股賊匪竄過江北正值經畧來路自可無虞東竄而慶成疎防之咎實無可辭著傳旨申飭並著將因何不行據實奏聞之處明白迴奏其安康五塊石地方係派何員在彼防堵並著查明

叅奏至賊情詭詐異常現在漢江南岸之賊如馬
五龍紹周苟文明等股總思竄往東北一帶長麟
慶成務須督飭文武悉心防堵勿令各股賊匪折
回楚境或乘間竄至鎮安一帶擾及經畧後路此
爲最要又據陸有仁奏到賊情與長麟等之摺大
畧相同惟所稱高三馬五在安康涪河山內安設
木城爲屯守之計若果屬實正是自取滅亡但高

三一股現又竄過江北未知茲信是否屬實此時
陝省大兵雲集一切軍火糧餉係該撫專責務當
分投運往源源接濟不可稍有缺乏至所稱西同
鳳等處團勇結寨設卡防守事宜令臬司文需及
道員楊護李翮等督辦一節楊護李翮皆係特派
前往之員伊二人初至陝省未染外官習氣正可
督率各府州縣認真辦理並著長麟陸有仁傳知

該員等如能防守嚴密一律整齊使賊匪不敢窺
近邊界蕝功之日必將地方文武與帶兵打仗之
人一體優加陞擢儻不實心經理稍有疎懈亦必
一同治罪用昭懲勸總之陝省各股賊匪經官兵
屢次剿殺連得勝仗勢已十分窮蹙漢江以北之
賊有額勒登保督剿逼過江以南則可漢江以南
之賊有德楞泰督剿不准逼過江以北其各處要

監守禦之事責成長麟陸有仁慶成等督率地方
官實心防堵彼此聲勢聯絡併力一心務於三月
以前將各股賊匪悉數殲擒迅速歲事同膺懋賞